

樂志堂詩集

樂志堂詩集卷十

南海 譚 瑩玉生撰

保聚十二首

保聚留餘燹，逡巡已十年。流亡連楚粵，征調到幽燕。  
鄰境需紅粟，神祠供白蓮。司農嗟仰屋，獨費水衡錢。  
宜辨民非盜，兼罹寇與兵。不教魚目混，遂使豹胎成。  
重典何妨用，先機所必爭。灰飛同劫燼，高坐說無生。  
桂海驂鸞地，今成百戰場。依然煩召募，何以奠遺亡。  
破賊虞彬父，籌邊李贊皇。偏隅旋底定。

天子正營陽

蠢爾饑寒輩原安織與耕分茅新息廟細柳亞夫營大  
將偏輕敵彌年恐橫征銷烽良不易守望半防兵  
吐火吞刀術由來比射工幻人誰使獻劇賊轉相蒙豈  
有時醒醉能令閱始終堂堂還正正士卒儘英雄  
兵仗交綬慣軍書勝者多前驅非鄭伯更用獨廉頗事  
勢同吹網光陰比擲梭

宮廷宵旰甚半載戢干戈

昭代麒麟閣原宜早畫形百蠻如嚼火一戰掃妖星名  
譽同殷浩安危仗狄青不堪風雨急大樹總飄零  
將材誰耿鄧賊勢豈孫盧誓命三苗格經綸八陣圖艱

難宜鎮靜訓練迫須臾一例貂蟬貴盤龍奮稍無  
韓范來關右孫吳在

禁中材原兼將相威已振華戎蠻峒心難測熊湘路可  
通赭黃衣

特賜早奠粵西東

突騎漁陽最從征萬里遙似宜誅馬謖誰信老班超遠  
戍攜長劍悲歌仨短簫宵深燐火徧血濺海棠橋

此時能不殺合字頌

皇仁藤鼓龍編將松牌象郡人忠誠似陶侃保障得何  
真伯爵文成諡千春竹帛新

飄忽仍無定凋殘可盡誅雅材歌杖杜寬政靖萑苻易  
獻孫歆捷誰摹鄭俠圖封侯人可覓隨分逐屠沽

春游雜詠同熊篔江孝廉劉子樂參軍八首

柵頭看牡丹

移種猶聞自洛陽飛來紅

牡丹名

竟徧江鄉便當穀日春

無價久照花王水亦香最憶舊游崇效寺殆宜同署壽  
安坊年時值漸羣芳比穠豔能分到草堂

四牌樓買燈

試燈春信始忪惺節物喧闐也地靈大抵八旗閒散在  
何曾半刻往還停英雄兒女拘陳迹獅象鸞龍作幻形

買得菩提紗一盞歸來長伴佛幢青

東郊看新綠

一色粘天近却無萬紅如繡復何須未經駘蕩重三節  
陡換空濛水墨圖纔爲梅花頻出郭絕憐蔬葉舊名湖

在陳文忠別墅

東泉零落雲淙廢可信萇宏碧血枯

福神誕爆竹

當時神許各爭妍節節玲瓏上接天如願我拌傾筭報  
通靈人競奪標先一聲霹靂金丸迸七級莊嚴寶塔圓  
誰謂年來銷歇盡 太平景象樂喧聞

波羅江謁南海神

地控華夷對海門嶺南生戴祝融尊神聯嶽瀆王侯重  
人合城鄉士女蕃銅鼓似雷催落月木棉如火射朝暉  
駢羅百物冷非昔隔歲來游已六番

粵秀山看木棉

歲歲看山得飽看城中山近約偏難縱教墮地同凡豔  
似此尊春始壯觀富貴花能如絢爛英雄樹本不清寒  
閒僧新榜紅棉寺登亦非瑩却遶欄

梅坳訪張喬墓

縱補寒梅析作薪百花當日自成春勝朝邱壟留存少  
詞客精魂去住頻豈必嬋娟皆薄命未經離亂始前因

斷碑蕪沒何從讀太息蓮鬢閣主人

花田餞春

半晌句留不自聊最銷魂地益魂銷明珠翠羽先零落  
姹紫嫣紅也寂寥金縷曲歌宜此日玉鉤斜吊憶前朝  
茫茫春與人俱盡墓草誰知濁酒澆

劉子樂十二兄招同賞牡丹

試燈風急雨霏塵第一花開錦簇新祇有絺帷能貯豔  
可無粉本與傳神嫩晴天釀餘寒節時世粧宜絕代人  
徧問萬紅低首未芬菲容易結芳鄰

劉十二兄雨中招飲未赴



醉宜風雨更宜晴仍待花開與月生  
置酒竟辭君莫訝  
落紅門巷竹雞聲

寓園題壁

呢喃紅燕傍人家三度從官懶坐衙  
黃四孃歸林媪死  
風情如舊說看花

蔣香湖遺畫美人册子各繫以詩

錄七首

御園金籠玉鈎新迴異田家一段春  
此輩亦知蠶織苦  
應無複褐不完人

宮人采桑圖

縞悅青精絕代姝  
矚然思嫁趙王無  
無郎居處尋常事

免說羅敷自有夫

羅敷采桑圖

豔名從古擅江東訪秀英亭說女紅  
逕把陰符經讀未

絕憐夫婿並英雄

二喬觀書圖

青綾步障不曾施內集家園賞雪時  
劉柳心形俱服未

封胡遇未坐聽詩

謝道韞詠雪圖

湯餅筵前見阿侯莫愁還比舊  
風流詩心奇麗瓊相觸

借問桃花得似不

盧士深妻桃  
花釵面圖

讀麗人行事可知承恩當在未  
明時特疑私語長生殿

不妒諧娘淡掃眉

魏國夫人朝天圖

賜牽機藥痛猶存洗面當時祇  
淚痕願作娥英年太小

金風紅紫各銷魂

元人馮海粟題宋太宗逼幸小周后  
圖詩怪底金風動地起御園紅紫滿

龍堆南唐小  
周后提鞞圖

檢閱所藏帖作論書絕句

學衛夫人倦不妨一空依傍豈尋常  
半生時月知徒費習眾碑宜特擅場

王逸少

猥言全仿代書人率爾師心筆有神  
外論那知同與否君家尊尙見雙身

王子敬

瘦硬通神趣有餘平生多法竟誰如  
君王却止稱虞監死後無人可論書

褚登善

屑誇干謁滿其門義取無虛眾所尊  
手是書仙難具信永宵觀主夜追魂

李泰和

天下皆知以姓名立朝正色寫生平掃牆習學惟黃土  
隨在鐫留載石行

顏情臣

適勁鍾王恐未過老耽書學竟如何自扇筆研兼圖畫  
所竊唯聞主藏多

柳誠懸

筆端生面獨能開得意原從禊帖來婢學夫人誰復學  
高皇偏說似重臺

米元章

新興舟中偶閱獨漉堂集有江行雜咏十首和作

### 江星

星辰同昨夜江上倍分明照水看搖動占天課雨晴扁  
舟長作客六合永休兵風露推篷坐依稀轉五更

村燈

暫泊客知路未眠人倚欄獨明風激射雙照水瀾漫孤  
影初更暗餘光十里寒更無漁火並垂釣下前灘

鷓聲

嘔軋雁聲起篷窗竟日聽榜人歌互答估客夢都醒偶  
憩翫嫌寂兼程可暫停渾忘搖動苦宛在水心亭

潮痕

風雨闌珊久新潮竟入墟小船都上市列肆早移居屋  
吞驚眠犬樓頭學釣魚東南多積潦疏瀹問何如

雨帆

懸知去不速江湖容滯留  
瀟瀟停短棹漠漠送扁舟  
惜甚東風緊宜當夕照收  
綠蕉聲倍密浙瀝一篷秋

涼簪

簪魚風雨夜晴日掩柴關  
敢信漁家傲懸知釣者閑  
柳陰春水滿花外夕陽斑  
疎密橋邊掛鷓鴣共早還

蘆煙

難大烹茶竈魚蝦賣酒壚  
地偏成聚落人愛住菰蘆  
釣艇供樵爨漁莊本畫圖  
作花千頃雪吹散認模糊

孤嶼

更無山映帶屹立水中央  
積累偏難似登臨却未遑  
森

然凝翠靄秀絕倚殘陽禹峽峯巒等松篁闕古香

魚板

太息人情幻無端物性知悠然原自在偏使各驚疑水  
複山重地參橫斗轉時滿船爭載返生計總如斯

新苗

梯田復水田新綠渺無邊始屆清明節懸知大有年  
詔令瀕海遠齋貯太倉先不比閒花草臨流獨眷然

之官化州寓賴園作兼寄園主人

頻驚風鶴古巖州天遣閒官得暫留偏霸臬雄翰錦繖  
黨人遷調憶禁樓狂歌豪宕如青兕宦况浮沈笑白鷗

瞥見林淵心目爽小亭長夏綠陰稠

衙齋無術可誅茅朋好相招賦樂郊萬木團雲懷古願

陶集有悽  
古田舍詩

一椽臨水信天巢雅宜趙林攜琴鶴屢爲揚

雲載酒肴地主殷勤何以報茫茫人海說知交

高州洗夫人廟神弦曲

有序

自昔中原板蕩海水羣飛必有作保障於偏隅集流亡  
而底定者然而因利乘便或逞孫盧之甲兵合從締交  
恒誇佗龔之門戶若乃智同吳芮勇類何真識天命之  
有歸櫓檣並掃安生靈其無恙烽燧不驚民功曰庸於  
今爲烈從未有夫人城築娘子軍興策分元女便斬蚩



尤將豈文淵迴殊徵側奉季朝如玉燭奠百粵等金甌  
絕無爲蛇爲虺之心恒助如虎如貔之戰求之邃古實  
罕其倫吾粵譙國夫人沈氏雄推首領信結一鄉陳隋  
誰定主臣高涼悉隸部落素明籌畧有夫如大樹將軍  
夙恃富強乃兄寶梁州刺史翔鳴遽落孰分前後以行  
逐馬如飛或作逋逃之藪朱温有婦謀議能參石勒之  
妻功勛同建虞氏曷觀朱衣趙姬乃穿金屐洵女戎之  
奇禍亦蠻峒所習聞耳於時四海瓜分百蠻鼎沸立國  
乃如棋局有君亦等弁髦張津自加鼓吹不聞移詔於  
邊州趙欽足買刀兵仍恐給錢於靈運周靈甫之部曲

豈懷報効而來徐道覆之英雄謬作馳驅之想陶侃之  
甞足抵杜宏郭訥之節不如蘇武公孫迭起南裔王耶  
已壞廣州真經從兜率宮來燒骨共髑髏冢葬使夫人  
者揭繡旗而起事建華鼓以專征楊大眼之妻早詣軍  
賀六渾之婦堪擊賊脂田粉確悉辦戎裝鬢朶首翹頓  
增兵氣女子詠小戎之什天孫連上將之垣控五嶺六  
瀧之險隘封以丸泥率三城十郡之首豪驅之尺筆笑  
井蛙其自大亦應占女主之昌逐原鹿其何難豈屑署  
降王之長而乃夷凶靖亂懷遠招攜走李遷仕於甯都  
破王仲宣於衡嶺絕歐陽紇之誘何虞子僕之未還善

陳佛智而留特警孫暄之不進趙訥貪虐罪特上言韋  
洸逡巡迎先帥眾會巖石而知都督之極得眾心戴詔  
書而稱使老以親宣上意宜其麾幢旌蓋一如太守之  
儀駟馬安車特進中郎之職仍開幕府悉置長史屬官  
並給印章聽發六州兵馬呼聖母者同欽錦繖位中宮  
者遙賚翟禕事假便宜邑頒湯沐瞻犀杖以增痛陳金  
篋以表恩夫人之功馮嫫媿之夫人之遇秦良玉遜之  
謂非深明大義獨矢孤忠而能若此哉彼有帷車袖劍  
氍毹甲旗裳將數騎以突圍踰重城而取救封循忠於上  
縣補果毅於行營運矢石自成一軍習騎射徧敎侍妾

或愴恨於彝倫之變或激昂於意氣之雄以視夫人之  
情在奉國招慰叛亡蛇妖蠶蠱偏如王者之師錦袴綸  
巾乃曰眾人之母家傳忠孝指麾而銀躍金鳴俗錯華  
夷叱咤則山彝海晏其氣象迴不侔耳記搜寰宇錄證  
見聞別有姆儀謂當秦季恩威亦振智辨不凡事別無  
徵語應畧誤斷以爲譙國一人殆無疑義耳粵人追念  
其功爭爲立廟雲車飈馬遙傳環珮之聲刻桷丹楹尙  
作胭脂之色嗟嗟刀耕火種猶林威靈紫水黃雲乃鍾  
巾幗兒女壯風雲之氣釵瑱銷劍戟之光漫誇楊僕之  
船此亦樂公之社今則蟻聚孔多狐鳴屢煽實冀弓刀

自動靈比羅睺巋然像設如新勳猶甯國功成一戰玉  
衣鍊馬其常趨詞遜九歌荔拍蕙綢其來格曲曰

露頭

花名

扣銅鼓青鳥銜書綠魚舞海角天涯降王

母鍊馬金戈各延伫萑蒲遍兮粵東西蹂躪中原兮聽  
鼓聲彤霞爲裳月爲鏡再奠山河拯民命一生誠敬神  
好心今日顓蒙盡誠敬

右送神

酌桂酒酌椒漿霧閣星營元老堂鸞管鸞簫夜未央嬋  
娟叱咤如風雨期挽銀河洗天宇人不言兮出不辭乘  
赤豹兮駕文狸祝嶺南兮多黍稻海溼山陬永無盜

神送

蘇公樓題壁

長公遺蹟遍蠻陬萬里藤梧又子由應物對牀知幾夜  
邠成分宅抵千秋機雲許住三間屋嶺海長存百尺樓  
報復循環誰屑道章惇偏也謫雷州

樓以蘇名定卯君天涯相遇倍相親復知漢武何如主  
猶謂舒王我輩人止酒杜門無過客廢書瀕海老閒身  
端明似此嫌岑寂笠屐行歌各任真

湖上追隨事亦奇山丹秋菊尙離離斯文未墜同來此  
小住爲佳孰致之作法他年翻自弊謫居偶值本難期  
蒸羊欲饋誰相待遺直軒鄰寇準祠

度嶺相憐雁影寒二蘇曾此暫盤桓彭城漂泊知同否  
王粲登臨欲似難湯餅未應還咀嚼

見老學  
菴筆記

椰冠何幸

却輕安重爲兄弟來生事可有英靈並倚欄

長圍二十首

憶昔長圍久城原似偃陽奔蛇知桀黠困獸任披猖  
虞陞陳干羽周師缺斧斨萬難如闖獻峽早出車箱  
捷書連日盼狡寇已環攻臨桂山多險懸藤路可通有  
人防問道無地覓元戎賸見烏重允轅門作鬼雄  
曉暢軍中事會稱向寵能將原推國輔客漫詔僧騰閉  
壁偏師返登埤劇賊乘不徒長守禦銅馬敢憑陵

文軌胥同日巖疆職掌分投鞭原可渡擊柝舊相聞幕  
府移防詔鄰封盪寇勳奈何程不識樂比李將軍

嗚咽湘漓水何人轉戰勞列城多斥堠兩地徧弓刀鎮  
定覘韜畧安危仗節旄糟糠難獨飽共戴駱功曹

舊推徐世勳方倚作長城小市方逋寇偏隅亦厭兵金  
甌需後命錦繖警先聲易帥 朝廷意間關擁傳行

舟船楊越國麾幟李臨淮縱火原奇策乘風實壯懷頭  
銜新錫予手段舊安排談笑烽煙靖俘囚獻 玉階

持重安邊境昇平事迴殊遷延憐此役濡滯竟何圖  
宵旰憂全楚綬懷寄兩湖如何經蹂躪巨寇尙逋誅



江漢交流急悲風鬼哭喧山川偏霸始形勝至今存重

鎮誰開府孤城但閉門國殤崇戰苑一例算忠魂

張船山詩

一樣沙場征戰苑  
模糊敢信是忠魂

馬當風正利千里錦帆偏張許孤忠少東南半壁全九  
江移節鎮一水下戈船太息元余闕圍城守六年

談兵推陸遜殺賊賴楊愔早定安危計奚知去住心急  
裝趨采石突騎抵新林虎踞龍盤地曹成倘易擒

大將今當拜妖氛久未銷早聞脩省詔疊下聖明

朝交或如廉藺才均儷管蕭洗兵長不用憑仗倒天瓢  
壯士如貔虎森羅聳帝京登壇宜衛霍籌餉到間平

勁旅催傳箭名王樂請纓武功 昭代著容易賦南征  
金陵衝要極豔說帝王州 明旨何嚴重彈章也逗留

立朝無外黨致寇盍先籌後死偏同盡和奚足老謀

海內駐防最留都益壯哉奈何貔虎士遊作闕艘臺婦  
孺繁生齒秦淮賸劫灰鍾山陵咫尺易代也增哀

瓜步聞先失蕪城更若何棘門兒戲甚曹社鬼謀多寂  
寞雷塘月蕭森邗水波赤闌橋廿四繫馬苦徵歌

治河原鹵莽督漕本艱難白下家無定丹陽壩可盤流  
民容勦撫運道冀平安近畧傳消息韜鈴似岳韓

偃月堂安在凌烟閣總非貴臣兼福命 聖主有恩威

或者留生趣何曾動殺機但期文彥博早破貝州歸  
利析秋毫似 皇仁却屏除度支劉晏術平準馬遷書  
莫更言多寘何從得羨餘 明廷升孝秀計相驗盈虛  
瀕海爭輸粟中朝各算緡湛然心似水定使物皆春  
褒錫先諸將焦勞萃 一人救時張叔大元敬威作疆

臣

順德龍江鄉詩社有以儒將猛將命題者亦聽鼓  
鼙思將帥之義余見獵心喜下筆不能自休各  
得十首姑存之

帷幄從來藉運籌讀書殺賊願當酬功同衛霍詩頻和

望重華夷筆可投謹慎帝知諸葛相推誠人擬鉅平侯

緣何霜鬢論兵日忍事心灰爲蔡州

灰心緣忍事霜鬢爲論兵裴晉公詩

章縫延論夙相推邊事能知保障才文靖終收淝水捷

畢誠端自禁中來營惟君子先人物

見晉書石勒載記

帥是儒

生本相材黷武將軍原不好但期偃伯在靈臺

緩帶輕裘本不妨綸巾羽扇足相當安邊持重王忠嗣

御眾居然謝彥章吾黨好謀先恐懼聖人不殺總慈祥

陰符見說埋頭讀闕合孫吳王故常

梁甫曾吟恨有餘鷹揚真比坐茅漁敦詩說禮仍吾輩  
去殺勝殘自古初征虜雅歌兼俎豆濟陽歸橐但圖書

詞章理學王新建諡到文成恐未如

紙上虛談浪得名大功從古屬書生  
幾人伯仲伊呂三代勛華迄宋明  
燕頷虎頭班定遠錦裘繡帽李西平  
九原可作知誰與翊聖忠良有異評

風節文章定不磨勳名蓋代勒山阿  
版泉涿鹿真經術吉日車攻足詠歌  
果信往還如衽席懸知談笑靖干戈  
觀書畧問銀釵掣李及如今似者多

決戰行人未失辭春秋風雅擅當時  
敦槃迭掌和應講文軌胥同事可知  
說論漢書王鎮化詞工露版傳脩期  
龍圖老子今誰是兵甲胸中貯較宜

坐嘯風澄臥鎮同指揮如意類英雄答書吾亦欽陶侃  
隱几誰能學孔融解唱蘭陵宜破陣夙稱才子例從戎  
如何刮目相看久吳下依然舊阿蒙

玩鹿家聲繼射龍

玩鹿園稿萬表著祖萬文人稱射龍將軍見靜志居詩話

季馨都

督亦詞宗

蕭如薰字見野獲編

安危身繫關全局文武材兼嘆絕

蹤王

越郭登

集存梨棗禍岳韓句賸蘚苔封平倭紀效

新書撰少保才堪任折衝

萬端千緒

見晉書陶侃傳

報朝廷筆翰如流總不停曾選勝兵

同北府竊聞台輔問東廳度真曠世如韋叡勇貴知今

叱狄青受鉞登壇能稱職有人賤注虎鈴經

右儒將

百戰功高許健兒，萬人敵在總能支。  
長孫震怒雷霆比，刺史威名草木知。  
赤白囊馳占殺運，丹青引讀想英姿。  
誰教貉子披猖極，當道宜先臥老羸。

漢祖高歌起大風，四方守望故鄉中。  
令肅銀槍隊，麾下書稱黑稍公也。  
學謝安論鎮定，倘須王粲記英雄。  
赤眉青犢原烏合，心膽先寒易奏功。

直前殺賊有兵機，鷲鶴魚鱉待指揮。  
淺色黃衫偏不死，明光鍔鎧儘如飛。  
研營通酌聯銀盃，入陣先標顯白衣。  
百輩難求三五易，孤城何事竟長圍。

屑效哥舒半段槍，斬新壁壘戰堂堂。  
鏤鞭棗槩呼延贊，馬面彪身斛律光。  
凋敝依然煩召募，驍雄容易致銷亡。  
眾中倘有揚無敵，一搯沙場悼國殤。

蹋壁橫行亦創聞，掘阬屢躍算奇勳。  
臂纏虎尾能摧敵，手挈龍頭總軼羣。  
史萬歲猶呼戍卒，韓千秋殆冠全軍。  
元戎夾袋都收盡，尅日銷烽盪寇氛。

擊牛折脅上駝峯，如此人材豈易逢。  
虢將固當專委任，獍兒誰復與爭鋒。  
勝衣見說擒奔馬，持劍仍聞叱寐龍。  
四挽勁弓三奪槩，昇平休吝徹侯封。

不斬樓蘭誓不回，蒲桃飲待琵琶。  
琵琶催人如著翅，從天



降蠻是飛頭動地來何必定尊筋力聖  
見抱朴子未妨更築

鬪體臺奇材劍客紛無數射虎山前亦可哀

相期轉戰各無前度似陰平不裹氍毹素共知非大將  
沈光曾逕號飛仙鬪偕霹靂偏閒甚作去到閻羅殆固  
然羽箭腰間原易盡凱旋何日畫凌煙

蛟龍得水豈尋常智勇兼全不可當拔擢綦難宜護惜  
瘡痍未復轉昂藏王彌枉自稱飛豹馬燧行將破餓狼  
福艾奇龐偏數見人言神似郭汾陽

直刺犀兕斬蛟鼉如雨如雲語豈訛是土團軍漁具在  
本僧騰客沸聲多韓陵戰比楊遵彥交趾征猶馬伏波

聞說鍊兵宜選將功曹習膽究誰何

右猛將

歌舞岡春遊曲

道是何王舊宮殿歌舞岡荒春草徧蠻夷大長定偏隅  
楚漢中原經百戰妄竊帝號聊自娛築臺朝漢臣節疎  
珊瑚扶荔蒲桃錦翡翠文蛇明月珠佳日登高樂頻奏  
楊僕樓船百年後英雄兒女迭相攻城郭人民總非舊  
蛟蜃精靈悟劫灰芙蓉甘菊手親栽風流天子僅形似  
蕭閒大夫吁可哀豐容盛鬢誰追憶呼鑿道有漁樵識  
最高當見虎門山稍富尙通師子國幸際昇平豈偶

然廣州全盛各如仙琴尊不管興亡局花月何知割據

年地隔城闔最清暇繁華端屬珠澗亞紺宇琳宮夜未

央殘山賸水春無價試燈風緊落紅新上冢時光又饒

春雙井街

在北門外

逢挑菜節二牌樓

亦街名

住拗花人賞心

樂事經千載春去年年長不改將軍塘

俗名將軍大魚塘在應元宮下

畔酒壚開太傅祠

學海堂新建祀阮文達師

前書庫在樓標鎮海戢

梟雄歲稔時和春復冬輒言天下兵雖滿嶺海春光日

自濃北郭尋詩偶憑眺霸業銷沈餘落照覺起孫盧似

不聞事同佗龔仍難料木棉開又刺桐開山鷓鴣啼雨

未來三二月天春最好游人不斷越王臺

年來毀譽輕誅鋤獨溪峒  
讐懾到儋瓊想像神弦奏  
森嚴武庫撐雲車及飈馬  
嶽降又崧生列傳分明甚  
陳書感慨并純儒勳業著  
端軼兩文成

分題羅六湖觀察畫梅

夢回綵筆尙飛騰  
馳驟縱橫得未曾堪笑  
此花如鐵石畫成風骨愈  
峻嶒

鬱盤飛動一枝枝  
畧具風雲變態奇  
祇自師心無我相  
空庭花影月明時

畫梅畫竹法差同  
總到無人愛處工  
君看亂頭粗服裏  
悲涼古直儷曹公

淨洗鉛華具性情無端寄慨寫生平周秦篆法誰能識  
豈向人間博畫名

賸墨離離整復斜獨開生面足名家一枝瘦硬通神筆  
屑仿徐熙沒骨花

閱盡繁華色儘濃幽香冷豔本難蹤傳紅寫翠昂藏甚  
不比凡花作冶容

題倪雲衢上舍珠江泛月圖三絕句

花簇文舟月似銀典裘貰酒莫辭貧記曾小住凌波榭  
預借花朝又餞春

懺盡閒情畧解禪前塵如水復如煙未能遣此還誰信

讀畫依然觸撥先

憐才好色任天真各向鸞輪度劫塵三十年前花月夜  
與君同是少年人

粵臺春感

佳節看山數舉杯亡秦覆楚有餘哀中原難了英雄局  
絕徼仍需保障才大似夜郎誰款塞醉同天帝日登臺  
嶺南風俗繁華極曾觀珠歌翠舞來

霸氣銷沈越井岡居然繼起有劉郎園林花禁春蕭瑟  
亭院蕉迷事渺茫忠盡迴殊錢武肅風流全讓李重光  
絕憐覆轍相等者佐命元勳痛尙王

倚裳連襪徧三城寺寺閒僧懶送迎花球豔陽金盞酒  
珠江明月玉人箏湖山倍覺宜觴咏士女何知兆甲兵  
九十日春容易過笙歌壺榼醉昇平

五羊全盛餞花天吳楚干戈閱歲年廢壟何王遺鏃鏃  
香郊前度拾金細定如子訓摩銅狄獨恐孫恩號水仙  
誰信酒旗歌板地有人太息話逃禪

萑苻五首

桂林兵燹又蒼梧鈴峽仙城盡可虞釁結湖湘原劫運  
時來佗翼亦良圖故宮花草猶春夢遺俗笙歌想廟謨  
佛閣隱囊紗帽至倘思何術靖萑苻

百越山川出霸才安危全恃大行臺珊瑚翡翠當年貢  
甘菊芙蓉僞漢栽鎮海有樓明代始撤藩無地尙王哀  
豔陽天氣昇平日日日游人載酒來

纍纍人說霸王墳憑眺登臨日未曛市舶久通師子國  
樓船全仗水犀軍空營廢壘猶能識散髻斜簪獨不聞  
禪榻鬢絲花易落談兵誰比杜司勳

早妨鋒鏑徧中原邊釁橫挑禍可言召募依然行古法  
流亡誰復議軍屯三城安堵真全福上巳登高已幾番  
結侶看花多樂事武王臺豈武陵源

年豐米賤逸遊多五管鶯花釀太和黃屋君臣天氣數



珠厓道路漢山河故城昔陷盧征虜

盧循故城在廣州南岸十里見方孚

若南海百詠

重鎮今思馬伏波海水自飛雲自立

梁藥三吳亭句

何日唱饒歌

過流花橋作

候曉牕開玉漏終六宮梳洗髮香同降王老虎真癡福  
花片於今似血紅

酬紫垣觀察春日病起見懷之作次原韻

鶯愁蝶怨局全新鍵戶看花大有人微疾倘如千日醉

偶閑彌愛十分春偏難苦戰酬

君父

時江淮寇氛尚熾

容易

高歌泣鬼神櫻筍未闌家釀熟膏膾疎懶著書身

遺俗五首

歌舞成遺俗登臨閱廢墟  
軼材同石勒此地亦扶餘  
韶景芳菲節雄心割據初  
僞劉尋覆轍行樂更何如

袖手亡秦楚丸泥局斬新  
獨臣漢文帝端愧洗夫人  
屑預鴻門宴偏同虎阜春  
玉魚金雁盡芳草碧成茵

尙有呼鑾道嬉春歌舞岡  
荒淫踰北漢風雅遜南唐  
珠殿金猶土花阡玉有香  
漁樵閒話者猶豔說劉郎

霸國興亡慣王山翰墨宜  
扶輪需大雅攜榼惜芳時  
佛慧觀音閣仙靈鮑靚祠  
文瀾兼學海遠紹漢經師

鎖鑰北門重同登鎮海樓  
承平多戰壘偏霸贖荒坵

易短英雄氣何煩草莽憂世無東莞伯且作看花游

詠寓園蔬果

錄六首

梨

切玉裁冰瑩不流未消涼覺潤枯喉學仙誰藉飛昇者  
漸老還宜飽啖不大谷種良先百果小園味酢也千秋  
擁爐燒賜君恩重太息時無李鄴侯

柿

駢實纍纍葉也紅味酸詐紀見鄉風

述異記番禺有酸柿甜梅

啖如

甘蔗寒泉浸盡仿丹林夕照烘書課年年僧寺圯吟看

樹樹烏巢空凌霜候說前明贈

見在田錄

此亦滹沱麥飯同

葡萄

廢圃陰濃架待扶，招涼偏得夜光珠。  
文園渴甚當相諒，博望歸來倘與俱。  
西域酒方原髣髴，老禪書本正模糊。  
葡萄風起葡萄熟，暇及綾紈破葉無。

見金樓子

壺盧

照水無因亦不偏

本物類相感志

幽人瓠落總相憐，圓勻愛比

連珠菌，欹仄妨同縮。項餽酒具，卽緣農事。庀羹材豔說

祖風先

本唐書柳此傳

已嫌王霸癡兒懶，婦昨歸甯復贈還。

木羣

芳譜

蘿藦

爛煮堆盤玉色新。飽經霜露益宜人。高寒有味清如許。  
甘脆無多爽絕倫。麥麩食偏除熱惱。鱸魚膾恰配輕勻。  
田家誰望登樞府。大嚼鬚髯怕似銀。

薑

刷向荒畦燕去時

見梅聖俞詩

嫩芽肌理著臙脂。取來何必

神仙幻種得。偏論貨殖奇功並。葎荅皆補助。用同椒桂。  
倍蕃滋性情。未老原先辣。說與中朝顯宦知。

除夕寓園花盛開分詠

蠟梅

色借梅檀別有香。素兒情韻足相當。

見賓朋燕語

小家結束

宜宮樣絕代風流稱道裝蠟炬官閒甘淡泊黃衫人老  
話蒼涼一生知己唯坡谷遂與江梅各擅場

紅梅

嫣然獨具不凡姿粧點春光自主持絢爛任人推絕豔  
高寒如汝負芳時鉛華偶夢風情滅榮落無心富貴遲  
便到著緋標格在生平孤冷世當知

緋桃

十分狂豔畫難工道是桃花究不同蠟炬千枝蒸曉日  
絺帷百里闌春風重來訪舊門誰認怪得懷仙路莫通  
最是小除燒爆竹落英無處辨殘紅

滇茶

黔南舊種小園栽，  
靺鞨珊瑚簇作堆。  
絕豔果同無價寶，  
凌寒誰認不凡材。  
嫣然耐久非朱槿，  
却鮮凋零委綠苔。  
獨惜五羊無此景，  
爛紅如火雪中開。

用蘇句

巖桂

畫闌懸想稱詩家，  
隔巷黃昏賣桂花。  
羊城除夕風俗如此  
幸種園中香觸撥，  
依然林外影橫斜。  
一庭冷豔攬秋色，  
滿院清芬玩物華。  
禪未易參仙懶學，  
濃薰篤壽透牕紗。

玉蘭

固當殊鐘槩，稱蘭釵砌銀。  
櫳獨耐寒一樹玲瓏，誰刻鏤。

十分珍惜忍摧殘  
清芬標格逾都勝  
名貴丰裁軼牡丹  
最是舊游難忘處  
玉人相並倚欄干

墨蘭

國香濃染露殘痕  
膏馥千年仗汝存  
元鬢宮闈思獨渥  
黑頭臺省望逾尊  
文章空谷仍增色  
遲暮西園偶託根  
賦罷離騷人去久  
淋漓賸墨殉花魂

晚菊

水仙同薦本相侔  
座有江梅第二流  
如此孤高憑歲改  
不須遲暮替花愁  
隱淪晚節閒緣淡  
天地殘年正色留  
邇日東籬多韻事  
半宜春色半宜秋



過流花橋感賦

玉殿珠梁話正長百年興廢賸村莊  
耕農豈識呼鸞道畦花開作瀟黃

三閩四廣霎時間一倒春潮去不還  
騷裏麒麟天水碧紫霞帔又殉厓山

樂志堂詩集卷十一

南海 譚 瑩玉生撰

甲寅二月將之化州舟中作

金陵久未戮鯨鯢穴蟻須防漸潰隄  
有名王來漠北尙期良將出關西  
刀弓草草趨燕趙烽燧森森擾晉齊  
猶幸重臣攄讜論懲羹不使競吹藜

貌虎由來滿鳳城津沽蹂躪邇幽并  
退之有夢思南食老杜無因賦北征  
樞密賢勞崇魯衛巡防况瘁屈公卿  
築壇故老思飛將早扼雄關鞏 帝京

分仄 爲猿鶴與沙蟲城傍金隄曲似弓  
保障片時仍氣

數安危重寄亦英雄山河險固臣心怯風雨縱橫寇技窮稍喜封章都實奏中州防堵仗神功

武昌安慶又湘潭熟道輕車恐再三晉鄙任原推宿將孫歆捷竟作常談非無地利何曾委仍有天功絕不貪成敗坐觀勲未立萬難竊效左甯南

故將軍拜虎符新三十登壇本世臣泄背官多勞白簡逋亡民半換黃巾窮兵雕勦憐滋蔓薦士蟬聯媿積薪  
依據葫蘆無口瓠不徒專詭宋廷人

邊材人說阿龍超愨直當年冠百僚曾詡朝廷需汲黯終期盜賊翦楊么徒薪曲突非無謂飲博圍棋不自

聊玉節珠幡金勒馬廣文前度福能消

凌波軍足抵偏師水隔滹沱出戰遲死徙鄉心原似箭  
生降民命總如絲地猶黑子偏難復郎盡黃頭不可支  
天下精兵推突騎受恩尤渥莫輕疑

重鎖金湯擬石頭卻移行省到廬州葵忱特救興亡局  
瓜代容勸草創謀溫序銜鬚原自命阿蒙刮目復何求  
幾人謇諤身名泰死報君親萬事休

楚地原稱古戰場疆臣意見復參商清廉慣啜雙弓米  
憤激先持半段槍經濟諒如房次律功名能似杜當陽  
咄哉一死鴻毛似未得昭忠蕤瓣香

梁皇移市教曾看魏絳和戎策豈難幕府補文能避寇  
元勲失印也當官翻城爭慮存亡繫出使先言智勇殫  
征權重權需此輩 中朝物力久凋殘

及時行樂了生平破格穹官亦儘榮不戰何能知勝敗  
未行均已就功名漢廷豈復誅張禹秦伯猶將用孟明  
悽愴歸元江子一拜 恩諸弟痛難兄

故國山圍建業存辨亡爭詎陸平原兵民盡使淪溝壑  
盜賊公然長子孫曠典特膺 明主眷彈章疊上舉朝  
喧哀江南賦才人阨落葉狂花夢小園

勦說何庸奏牘陳空中樓閣語非真祇言訓練兵難用

但勸捐輸國愈貧才媿魏公多睡語名猶鵬舉或前身  
百年養士洵非偶文武能兼諒有人

繆種流傳暇讀書孫吳闇合定何如將才人半哥舒翰  
相業今誰陸敬輿有限利權歸掌握不情勲闕任吹噓  
熙朝未必生材少積習相沿愛鏹除

劇賊誰聞一矢加軍團隨處亂如麻交綏例以民爲盜  
蕩析紛然寇卽家屢轉升階疑夢蝶大開言路厭啼鴉  
南中士庶原忠愛但釀金錢禮釋迦

我朝神武軼初唐撫馭華戎奠八方川楚鳴張終撲  
滅滇黔虎踞易銷亡大勲屢畫凌烟閣首禍宜歸偃月

堂誰信威名諸節鎮池平樹古血淋浪

師旅三年賦采薇如毛羣盜傍京畿人供任使循資望  
賊說驍雄半是非端在黃扉明賞罰從來赤縣感恩威  
出師拜表宜揮涕魯筆雍容願總違

計臣言利析秋毫用似泥沙敢憚勞屋有流亡仍閉架  
票難交會愛錢刀未聞虢將稱廉吏其奈連營盡老饕  
原樂從軍偏請假五湖歸比范蠡高

憤由通介定賢愚如此人材弭亂無萬國來庭覘景命  
四郊多壘想許謨江陵買宅真方畧平子歸田偶畫圖

馬望襄屍新息似較量端恐媿孫

傳象  
廷盧昇

國家兵制舊如何聞道前鋒召募多官健小煩先爵賞  
鬼魁異狀笑妖魔層樓合住僧騰客此輩原同曳落河  
海內威加思猛士

京顏隆準大風歌

天下軍儲瞬息間休論萬水與千山米船往返原通利  
瓜步淪亡詎等閒或議轉輸從海島畧同采買向臺灣  
粵中市舶饑年賴誰謂 神倉仰百蠻

大將軍號錫紅衣巨礮摧鋒仗立威攘擾况經英吉利  
精良宜倍佛狼機 承平中國儲藏富潦草窮山鼓鑄  
非詎料相持年歲換罌灰箭火總如飛

利兵堅甲賸凋殘功令當年亦稍寬劍戟有光皆黯淡



旌旗無色半闌珊，未聞巧婦能賒米。尙怪懸軍也揭竿，遂使誅求供億倍。小官羸卒兩艱難。

行藏原愧郭林宗，志節仍期邴曼容。時局偶談言逆耳，國殤頻禮淚填胸。風埃是處多飛豹，雷雨何年起臥龍。覓武陵源渾未得，移家三魏翠微峰。

挂席四首

死笑鴻毛似生憐，虎口餘驚弓學飛。鳥漏網泣枯魚李，涉能迴避孫恩待。翦除間關芒屨破，挂席返鄉閭。

李廣名飛將，任延擁重兵。原同鄒魯鬪，酷似薛滕爭。懸望還孤棹，安危付一枰。矚金勞聚議，狡寇已翻城。

水束羚羊峽人耕燕子田流亡驚遍野饑饉嘆彌年警

急三城報梟雄八寨連似聞淳樸地纔結萬燈緣

寶月刀弓動披雲樓名劍戟新冠非陳武帝賊初起將愧

洗夫人蓬巷曾開逕桃源偶問津章逢多人幕召募息

風塵

行路難

朝行怕風暮行怕雨雨風風不如此行苦一解山愁虎

豹水愁蛟鱷萬水千山不如此行惡二解逆賊據城不殺

村農果不殺村農自命宛然蛇作龍三解闔城擾擾省兵

不至兵至兮難恃昨日傳聞縛官吏四解四鄉惶惶土寇

復起寇起兮無端今日行看劫墟市

五解

吁嗟乎天荆地

棘布帆無恙與鬼爲鄰作人狀業分江魚腹中葬

六解

### 甲寅書事十五首

此患十年前庸臣啟邊釁互市利旣分瀕海力遂困習  
俗本瓜離逋亡復勾引愚氓輒相隨豪家難自振聚眾  
潛燒香傾都轉滋蔓所以古重臣安撫惟坐鎮

民靡不畏官盜靡不畏兵奈何使知之尸位輒相輕辱  
兵復避寇相左如尹邢召募豈得已恣睢何太橫野戰  
夙所習火攻亦漸精苦學唐荆川平倭功不成

國僑猛綏鄭武侯嚴治蜀復有張乖厓一錢盜輒戮我

朝李恭毅

湖

撫粵政何肅年來用重典西市血漉漉

巨憝竟逋誅小民紛被錄借盜以銷案乃當刑書讀

東官俗強悍自古稱難理土團功屢收鄉校意良武  
斷法當懲周納事可已昔人共守望桎梏遭枉死釁起  
如雨集禍至從風靡幸有華元來政平頌如砥

天下市鎮四佛山尤峻雄水陸五方雜中外百貨通紳  
民蘭鮑似士商冰炭同擣蒲日以多刀筆誰最工品流  
既不分要丐環相攻昆明劫灰黑或者緣鄉風

三城久清晏

昭代如堯年北郭連東郊轉眼皆烽烟

石牌抵石井石門暨江村紅巾環塹列鏡礮排山前十

圍肉籩墮百戰銅墻堅嘯歌鎮海樓元老心籌邊

端州古重鎮流賊偶然至李及許邊材霸上等兒戲遮  
留比長城險要非危地傳變亦慷慨張巡太容易所轄  
各州縣驚聞半逃避見說黃童在尙差強人意

三水灘瀨交孤城猶彈丸狡寇環而攻瀕危終獲安地  
瘡半斥鹵民貧盡單寒愛人學鳴絃得士偶解鞍苦戰  
樓櫓完屹然峙江干咄哉沈田子不愧 朝廷官

岡州理學鄉俗作賦同仇長圍久未解鏖戰百不休拔  
幟屢登陴投鞭足斷流孫吳妙闇合安平或相侔齊桓  
相仲父漢祖師留侯任人成大功吾欽陳太邱

亦有人文藪貴極而富溢其奈懾先聲不戰乃自屈  
鼠膽已喪香象齒終拔何曾庚癸呼石尉懸磬室曷怪  
蕞爾縣唾手連城失多財爲爾宰易擇自全術

循州與韶陽郡城幸無虞其他所統轄畛域歸萑苻誰  
撰妖亂志莫繪流民圖禍各起蕭牆亘古之所無家家  
切近災剝牀吁以膚爭桑豎誰弭去莠言非迂

南海多水村讀書且耕田大義固深明韜鈴手一編努  
力遏其衝不使越陌阡裹瘡日決戰寇境相毗連里巷  
藉安恬城闔仗保全峩峩清獻公章逢曷愧焉

國朝邳隆平養兵二百載况復駐防多八旗環嶺海比

樂元堂詩集卷十一  
七  
屋藉膏腴經商富財賄苦樂原不均綠營多凍餒怯戰  
乃通例逡巡竟誰待談兵如小杜罪言亦無悔

憶昔英

英德清遠

亂西粵原相應蹂躪及信宜跋扈守羅

定中原滔天慘一隅獨清淨宜先未雨謀讜言竟誰聽

頓使賊民興交綏亦屢勝鄭重求將材流移寇轉盛

勦撫貴兼施或亦期速效潛淵刺怒蛟窮山縛飛豹荆  
棘已叢生萍梗將重到拔本而塞源潔慤勵清操釁端  
由激變敢以直相告傳語長民者慎勿諱言盜

三峽權謳

韶陽直下首滇陽中宿妖氛抵五羊寨將威靈銷歇未

天雷大廟鎮中央

滿目烟波生事微，猶能穩坐釣魚磯。  
飛來蘭若仍飛去，願與相將一處飛。

諒爾原非漢趙佗，險同等隘易經過。  
萬人城址何曾築，楊僕樓船卻不多。

朝流淚去暮流還，潮到南禺有七灣。  
誰信望夫人化石，綦巾人遍望夫山。

釣絲灘長釣船高，直抵銀瓶

名灘

酒興豪其奈磨刀灘水

惡灘磨刀又賊磨刀

獅角龍頭髓背灘，往來尤覺牯牛難。  
早眠晏起原防虎



虎作人形膽更寒

維舟絕境有仙緣  
帝子書臺自昔傳  
誰謂百花洲畔過  
髑髏臺傍葬花阡

夫人遺廟有香爐  
孀子軍容近日無  
破走黃巢巾幗事  
連營諸將總非夫

刀兵萬水與千山  
估客帆檣不復還  
開遍滿山紅躑躅  
春回猶認血痕殷

碧落高寒洞最幽  
帆檣如織望中收  
紅旗飄瞥青燐似  
誰住山僧舊築樓

鼙鼓聲喧鬱怒雷  
漁舟掠盡錦帆開  
桃花源裏曾相仿

五百秦人避難來

見廣語

卻恐山靈也斷魂  
倍憐淙碧舊名軒  
如今孫恪妻無數  
碧玉環無欲化猿

南北通衢景特奇  
咽喉扼斷勢能支  
多應憑仗降魔力  
兩寺空王總未知

### 薪貴謠

析薪析薪百錢十斤十斤不兩日薪米恒相因

一解米貴

已難支薪貴益可知  
樵蘇不爨清談者誰

二解北江賊巢

西江賊穴東江賊船絡繹不絕吁嗟乎薪米並缺

三解水

村山郭未盡髡邱壟松柏摧爲薪竹頭木屑盡宿草無

陳根

四解

吁嗟乎巧婦不能爲無米炊巧婦不能爲無薪

炊無米無薪獨季女斯飢

五解

後東臯草堂歌

有序

吳梅村集有東臯草堂歌前明南海陳氏別墅亦名東臯草堂甲寅秋八月偶訪遺址作歌

東臯別墅城東郊忠簡昆仲嘗誅茅茹蘆修坂室漸遠  
蒹葭廢渚門容敲憶昔思陵國步蹙抗疏直臣辭詔獄  
滔天流寇禍難知搶地纍囚恩許贖歸來於此構名園  
人家果在桃花源錦袍灣接芙蓉渡玉帶橋通楊柳村  
別有雲淙白雲麓山水畫圖看不足偶住蓬蒿堂鏡機

無邊風日亭邀瀑北京已陷又南京條陳守禦獨春卿

素交難悟錢謙益好相能阿馬士英度嶺倉皇堪痛哭

南中草草偏安局正命門生黎遂球同仇鄉宦張家玉

阿兄

大令

早逝作神仙有弟

給諫

奉母才翩翩一死何知如

許事孤臣不朽豈徒然地老天荒歲時久樹古池平復

何有頽垣賸見鬼題詩

見恭巖札記

斷壟不聞人載酒國

初吟社繼浮邱屈梁陳並陳中洲樓扁尙懸宗伯去

忠簡

讀書樓在紀綱街陳氏宗祠內相傳忠簡殉節處

橋名仍爲探花畱我來弔古

秋剛半撫時感事彌淒斷如公風範似劉琨到此飄零

傷庾信况復朋泉不可尋妖氛東郭暫銷沈烽烟遍野

連西北遺址難經寶象林

論駢體文絕句十六首

有序

駢體文盛於漢魏六朝洎晚唐以迄兩宋已有江河日下之勢至元明兩代則等之自郃無譏可耳我朝人文崛起而駢體之佳者亦直接漢魏六朝之墜緒故諸君子持論實遠軼於宋人王銍四六話謝劬四六談麈等書嘗欲卽流覽所及編成一集未暇也甲寅冬仲避寇兀坐寓樓偶將所憶者戲成絕句十六首以示及門亦述而不作之義蓋皆國朝人論駢體文者非專論國朝人也

詞科才子總能文藻采偏緣德行分陶亮閎情宜極筆

肯因沈博錄揚雲

陳其年

隨園才藻僵相如賤註精嚴笑魯魚獨契陸機劉勰論

蓉裳富豔特貽書

袁子才

人言祭酒學齊梁彙集唐文待海昌

陳均

作者如林門

逕闢津梁後學愛三唐

吳穀人

根柢槃深筆獨扛漢儒訓詁妙無雙說經文字多排偶

創體原非自北江

洪稚存

獨自徐

孝穆

王子安湖孟堅熟精選理集羣賢至言清轉兼

華妙談藝劉郎四字傳

劉圃三

浮溪文筆冠江西直接宣公與玉溪若論正宗宜療俗  
盱江一序擅刀圭

曾賓谷

清剛簡質原難紹雅麗清新未敢期盡是詞家無等呪  
豈徒心折邵荀慈

邵叔六

青赤文章溯考工儀徵下筆氣如虹師門著撰畱叢語  
上下千秋一序中

阮文達

岱南傑閣有名言澤古方無俗調存激發性情同雅頌  
風雲月露體逾尊

孫淵如

縱橫開闔散文先辨論書銘靡不然湘水波瀾知未歇  
任徐庾外數盈川

孔奕軒

靈禽寶樹調殊惡芝蓋春旗字可刪中書宅相傳宗派

李義山兼庾子山

朱滄澹

八家四六序交推養氣言精獨未知任昉邱遲洵絕麗  
性靈一語愛吳簡

吳山尊

陰闔陽開有正聲百年曠絕感生平揚班韓柳分奇偶

千古文章孰重輕

王鏡夫

高語起衰緣俗調讓昏表與役僧書庸庸矯厲歸淵雅

馳騁能隨筆所如

彭甘亭

文章無古亦無今學究天人運寸心試自齊梁窮兩漢

六經遺緒待追尋

李申耆



兩絲風片阮亭詩打槩秦淮語或宜六代文章詞曲料  
太邱道廣有微詞

陳觀樓

印泥

不須重覓宣和譜古說芝泥卽紫泥論到十珍宜祕惜  
傳來三法試參稽求從句漏心原苦擲比麻姑目轉迷  
百煉始令油不凍一竿恒到日平西覆時或借澄心紙  
滴去真同照面蕭寒具汚如妨俗客燕支染特倩山妻  
三年苴藉花膏豔一瓣香兼阜角低仙搗名花須杵白  
人量靈藥用刀圭鮮明不待加調蜜禁忌誰教貯駭雞  
麝洒硃替均謬妄官哥柴汝合裝齋錦砂淘盡終搏聚

紅沫嫣然入品題書畫詩名半鴻爪周秦漢印總筌蹄  
鸞膠待續如瑤瑟蠟淚成堆照綠綈圍合橫腰同寶帶  
翻真刮膜有金龜是誰吞篆胸能貯卽我揮毫手欲提  
丹腹從今歸賞鑒銀黃於此見端倪冰銜倍使邱山重  
血漬當非粉墨齊剝落曾經幾風雨英靈端可灼雲霓  
選場辨果千秋在記室忘能萬里攜臚鼎模糊輸內府  
遠函迢遞達香閨或宜高閣兼書柬合殿才人運筆批  
風味由來雜薑桂芳馨他日透檀犀池佳偶喜三生石  
確換何須十襲緹紅尤軒中儲定本莫憑祕苑極訶詆

鷓鴣詞五首

作客何堪馬上逢，遮留誰比汝情濃。  
淒涼豈獨無家別，剴切真如有弟從。  
柳媚花明詞愷惻，山長水遠夢惺忪。  
友于誼卻緣增重，春草偕吟淚滿胸。

游子潛然轉不知，水村山郭對啼時。  
落花細雨真孃墓，

苦竹斜暉正則祠。度曲恰兼鸚鵡舞，

元微之詩舞態翻鸚鵡歌詞咽鷓鴣

觸情彌甚鶴鴒詩。深諳行路難，唯汝其奈人生慣。別離

啼聲敢與畫眉爭。

烏名

錦地鷗原浪得名，狀比鷓鴣誰智。

慧言輸鸚鵡，卻分明風波宛喚公。無渡水陸何知路，幾  
程懊惱澤家端。有恨道旁難更話，前生

輪蹄乍說膽應寒。夙世征途力恐殫，驟聽宛然同氣在。

相逢仍作餞離看  
千山萬水經三月  
破帽殘衫憶阿干  
鎮日喚兄行不得  
偏令風雨對牀難

評量姑惡伯勞間  
萬里征人聽欲還  
短驛輕郵春草碧  
東船西舫夕陽斑  
問當湘水還灘水  
啼徹吳山又越山  
記否木棉紅似血  
雨絲風片出秦關

哭徐鍔孫觀察

東南何日掃機槍  
忠憤如君竟陣亡  
嚼齒張巡終殺賊  
銜鬚溫序不思鄉  
屢聞才子參戎幕

君在浙江軍營最久

幾見詩

人死戰場政績文章兼節烈  
考終癡福轉尋常

拔幟騷壇副盛名  
歘然聲價動公卿  
謂宜簪筆陪雕輦

敢信寒羶滯蕞城作合巴東爭立廟能詩小杜例知兵

圖成草檄脩期老

作草檄圖  
余嘗題句

迭晉崇堦分請纓

出餞同登舊酒樓

癸巳八月君赴  
蕞城司鐸任

卜鄰耕讀約黃侯

君

謾石麟爭詡徐常侍款段能如馬少游北地萍蓬勞眷

念西湖煙月話句畱

甲辰余計偕入都往來  
皆經浙中畱君寓浹日

太平官府

威名將韓岳功勳一戰休

高歌覺有鬼神來俠骨稜稜見墨梅身繫安危同屬望

地當險要實需材將星搖動才人阨大樹飄零烈士哀

崇祀昭忠詩塚近

君嘗葬詩于  
西湖之側

萬松

嶺名餘怒鬱風雷

淡歲書來有淚痕誰令烽燧逼中原疆場竟了詩仙局

江浙同招募府魂偶憶生平覘士氣久拌骸骨答君

恩國殤誰禮西園社落落晨星總不存乙酉丙戌君與余結西園吟社

同讌集者廿餘人俱下世存者唯余與簡江廣文耳

蜂屯蟻聚 聖明時轉戰無前竟莫支太息負尸唯孝

子復傳殉節有貞姬談兵易短英雄氣報國先聞決

絕詞曠代逸才征戍死不堪重讀寄懷詩乙巳八月寄七律二章多

傷逝語

偶閱吳巢松侍讀詠物詩和作

晚虹

照日成橋暫依雲飲澗頻雌雄分易見晴雨卜難真吉

兆符王者香名豔美人賊星同殄滅德化本如春

見淮南子

### 古戍

誰念征人老頻年願挂弓河山真險隘守禦必英雄飲  
馬城俱破啼烏幕早空李華憑弔否亦古戰場同

### 漁火

遠浦闌珊甚前溪泊未能明因波乍湧熄趁月剛升戰  
艦妨飛礮村舂訝滅燈請朝魚價倍終夜理寒罾

### 幽花

花市蕭寥極幽棲賸數枝巖阿舊豔騰風雨誤芳時開  
落人誰惜芬菲蝶未知小園閒草木饒有歲寒姿

病樹

戰壘樵蘇急濃陰擬盡刪碎紅生死半慘綠有無間賦  
手蘭成妙詩心老杜閒闔城薪似桂端恐賸童山

破寺

屢聞蘭若燬仍託少林名

賊自謂少林宗派有曾爲僧者

幾見僧爲盜

偏教佛被兵空王猶惋惜古寺半欹傾羅漢堂關鎖城  
闔劫尙輕

斷碑

半段槍誰仿三生石竟分北邙猶宿草東郭賸斜曛易  
隕英雄淚難求博雅文一經兵燹後仍辨可兒墳



瘦馬

天骨開張甚猶譏戀棧未妨乘下澤翻傲衣輕裘大  
似廉頗老唯應郭隗求例頒芻豆足畧負拜 恩稠

沙隄

黃扉尊上相赤舄傲元公跬步膺殊錫周行答聖衷丹  
墀嚴視履紫禁慎交通王道平平否趨翔易奏功

花磚

獨步雄文似優游大雅歌落霞春最永篩月夜如何仍  
爲鋪茵聚非緣作鏡磨敲門慵未起學士李程多

香車

果載章惇去曾呼小宋名往來無間斷遮掩極分明草  
草成婚嫁鄰鄰送燕鶯舜華聞有女遭亂也徒行

綵扇

老奴溫驃騎小婢謝芳姿卻憶初婚夕歌憐偶別時品  
題由太傅拋棄似班姬睽隔仍相見坤靈竟屬誰

畫舫

新填滄海地燈火鬧歌筵泊處成花市居人豔水仙孫思  
陶峴均號水仙 中原半刁斗尋陋少樓船聞道珠湄月依然錦

纜牽

箏柱

金雁多零落何人夙擅名教坊傳舊譜樂部變新聲羊

侃窮奢日周郎顧誤情黃童甘抵死虛願愜平生

生平願作

樂中等便死也爲榮南漢時粵人黃損詞也

### 臂鷹

饑飽尋常事陳登說可哀披猖宜積怒豢養總凡材羈  
絆終殊狀風塵莫浪猜草間狐兔盡終待解絲來

### 浣女

解珮人非偶湔裙伴莫尋伍胥合抱恨范蠡算知音縞  
悅綦巾出寒泉白石心鑒裁如漂母城下解淮陰

### 廚孃

豈縷葱絲著羹湯亦斬新操刀煩竈婢越俎笑庖人也  
覺甘香別休嫌賞犒頻豪家珠易米舉案耐清貧

媿婦

粉磴脂田異雲蓂雨笠俱糟糠難獨飽厨傳不時需夫  
壻耕鋤願農家士女圖到秋來往怯村外有萑苻

劍士

誰有恩讐事徒標任俠名吳門殲慶忌燕市餒荆卿小  
技偏能了窮交半不平與君論將畧盜賊正縱橫

笛師

李委神閒甚桓伊語寂然招來元鶴舞喚醒老龍眠島

嶼波微動關山月正圓  
武夷深一曲愁煞馬文淵

聞蟲聲作

是何蟲豸可憐生  
生世茫茫訴不平  
相對燈殘憑寫怨  
忽聞屢響偶停聲  
冰霜雨雪心難死  
兒女英雄淚欲并  
絲竹中年哀樂減  
爲渠枯坐已天明

甲寅冬消寒雜憶十首

約同人蘿岡洞探梅

殘年例作探梅詩  
耕到梅田境特奇  
彌勒龕鄰鋤月地

洞有蘿坑寺

祝融祠謁賞花時

地近南海歲十月

神廟諭祭

眾香成海羅

浮遜舊夢如塵縞  
紉知書畫船稀游  
屐阻繞村閑煞萬

千枝

江門人惠新橙

尋恒秋實總難倫

秋實見會子固詩

歲歲江鄉饋有人橙里豔

名宜署此葵田遠札愛嘗新南州珍果清香最冬日征帆往返頻碧玉樓高峰火遍蠻姬織手破無因

澳門人饋青洲蟹

島中珍味冠熊魚一例無腸定不如風雪估帆天氣換烽烟蠻榼世緣疎誰堪出將徵佳兆人笑居夷乏遠書聞說避兵仍踵至大都畱饗武陵漁

乙未冬十二月大雪

議郎游倦洛陽還松柏移栽感召先乙未羊城原幸值  
丙丁龜鑑屑重編丙午丁未  
粵無饑者豐穰屢慶偏隅樂離亂剛  
逢大有年米價遞增晴凜冽轉思當日雪漫天

漱珠橋酒樓斫鱠

節逢長至首頻搔

冬至魚生  
嶺南諺也

雜作人都認老饕憶昨圍

爐偏買棹忘寒倚檻看操刀江鄉風味羹材裕水榭冰  
鮮酒價高今日亂離無鱠具隔城刁斗夢魂勞

北郭村居夜聞寒春

最愛寒春和讀書村莊人起五更初深宵響答覬風俗  
樂歲聲傳徧里閭鄰火猶明坡老宿疎鐘相聞輞川居

稻田搶割全家返米糴桃花待趁墟

羅浮度歲華首臺聽松

游世應真遭劫運

謂華林寺五百羅漢堂

未如還此聽松風石樓

無月龍吟苦香界何年鶴馭同歲事侵尋諸佛去雨聲  
湖泮萬山空羅浮有約原難到况復東江梗不通

羊城列肆買水仙花

不踐陳泥第一花歲除人買徧家家偶逢晴煖香成陣  
遑論風塵玉有瑕秋菊寒泉須供養桃符爆竹話生涯  
如今委地誰憐惜清海軍樓咽暮笳

臘月柵頭諸名園雜花盛開



除日光陰雨復風居然萬紫與千紅殘年烟景濃春似  
水榭花阡野店同別院幾巡分命酒元正重到尙推篷  
玉鉤斜竟成西市血漬斑斑淺草中

學海堂餞歲

厯檢樓羅又一年羣仙高會足流傳飲耽文字沿前例  
局殿鶯花得靜緣新歲 太平猶戰壘南園風雅此離  
筵一樽相對談身世百感中來共黯然

乙卯正月十七日沈伯眉廣文招同集聽松廬拜  
倪高士生日

鼓角聲沈歲又徂吟壇喜約壽倪迂拔愁且作鶯花局

扶醉同觀竹石圖

許星臺農部藏高士畫二軸攜至

逋峭豈徒師董巨

亂離偏許住江湖固當畫裏無人物

見畫史會要

腰遂千春

興不孤

乙卯春連雨排悶作

臥榻苔生獨閉門  
條然坐對不聞喧  
千村蠶麥能如願  
三月鶯花總斷魂  
賽罷社公先數點  
節經寒食又連番  
踏青上冢何曾約  
聲似翻河日易昏

隔牆不斷鷓鴣呼  
欲嫩晴時乍有無  
笠影陂塘新綠遶  
屐聲門巷落紅鋪  
倦游彌阻琴尊興  
麗景如翻水墨圖  
花覆茅檐篷響似  
轉思于役住江湖

門前田水不須車，  
壓屋癡雲郭外遮。  
潑翠喜看新種稻，  
退紅愁見手栽花。  
豔陽難戀猶春夢，  
鎮日淋漓度歲華。  
獨惜玉鞭無處著，  
青帘閒煞酒人家。

蕭蕭瑟瑟復冥冥，  
寒到重衾酒易醒。  
水長客隨孤棹遠，  
燈昏人臥小樓聽。  
秋池牕掩樊南去，  
別館階閒太素銘。  
誰謂濃春烟景好，  
賞花時節不曾停。

園林其奈百花殘，  
綠暗紅稀指一彈。  
當午沈沈支枕睡，  
惜春脈脈捲簾看。  
斜廊風緊辛夷落，  
畫棟泥融燕子寒。  
春買玉壺無客到，  
黃昏庭院袷衣單。

曲記吳孃絕可憐，  
何年重詔會金錢。  
聞猶絕調多餘響，

溼到流光倍黯然  
淡歲春愁原似水  
當時雨集總如烟  
闌珊催促詩人老  
綠葉成陰感舊篇

九十春祈六十晴  
頻來浙瀝打窗聲  
淋鈴淒斷嬋娟夢  
裹飯艱難故舊情  
漏屋未妨連夜起  
荒畦聞說有人耕  
無田環堵商歌發  
早慶豐穰頌 太平

竊笑先生類宛邱  
濛濛雲水屋如舟  
恰逢潑火誰挑菜  
更欲裝綿舊典裘  
米價尋恒薪價長  
蕉聲嘈切芋聲稠  
杜陵野老關心極  
道路旃旗溼盡不

膏澤今番遍草萊  
老農野饁例銜杯  
樊須學圃應同慰  
坡老名亭亦快哉  
御史魯公能決獄  
平章趙鼎正需才

天公霑漑非無意又聽千峯殷殷雷

積聞檐溜晚騷騷刻意傷春思鬱陶秦嶺雪銷銀甲冷  
蠻江浪蹙錦帆高珠厓銅柱陰霾斂青雀黃龍轉戰勞  
天雨洗兵期尅日各勤耕稼靖弓刀

端陽日感賦

生長南州操土風端陽競渡天下同憫忠太古類遊戲  
講武尤迂誰折衝第憶珠江全盛日看門龍舟舟泊密  
村無遐邇俱太平年復豐穰總齊出源頭澳口荔支基  
黃沙白沙黃竹岐琵琶洲連大王濠簸箕村抵大夫圍

皆村名

頃刻往還能稍待鉦鼓齊鳴精力倍歲歲年年健

考多雨雨風風都不改屈

山翁石湖

才筆擅風流事紀龍

江及大洲先到固當書上字畢來何礙歛貧賦

見元稹詩

衰

旺輒言由我輩未妨抵死爭相賽錦標奪並繡旗翻綵

段珍同銀椀資五月風光二月春三分煙水七分人

樓改

魏西湖競渡詩二分煙水八分人

銷夏灣同宮扇麗凌波軍似棹歌新

我生三見端陽閨倍覺關心驚轉瞬酒頰醺醖果香濃

燈藝琉璃花朵襯五百幫褙待借誰粉圍香陣總成癡

夏仲御曾隨水戲杜司勳有惜春詩豈知未閱滄桑局

斲雕爲樸成風俗節鎮誰貽父老書江神尙並蛟螭哭

羽葆蜺旌諒宛然似聞非復舊駢闐著書鍵戶多傷感

待放江湖載酒船

題煥公小照兩絕句

春水桃花是岸寺夕陽榕葉半帆亭  
美君不管興亡局穩坐蒲團誦佛經

半日閑緣憶舊時

丙申丁酉與笛江廣文墨農孝廉作半日閑會屢譙集于寺園藤菜屋

重過竹院偶逢伊笑余領畧枯禪味  
未了名心話勒碑

重修是岸寺碑記待月聽潮亭記皆余作

乙卯中元作

萬人緣開萬人喜

孟蘭盆會粵俗名萬人緣

萬人緣合萬人指  
萬人

緣結萬鬼愁萬人緣散萬鬼已  
孟蘭盆創自何年救母

人人豈目連簇新花樣  
閒僧懺依舊萍浮

用蘇文如萍  
浮於江湖而

適相  
他語

老佛緣卅年前事  
人能記踵事增華  
儘遊戲風酸

月苦奈何天紙醉金迷  
歡喜地柵頭沙面  
又河南水鏡  
同放白鵝潭東山廟勝  
西山廟長壽庵先曼壽庵  
年年  
七月中元節墮珥遺簪  
幾一月萬金拋擲供閻羅  
七寶  
莊嚴禮迦葉金銀宮闕  
總成塵緣道香花事倘真  
地獄  
諒知還變相天堂誰與證  
前因年來兵燹尤難說檀  
施  
無人話禪悅新鬼多倍恒  
河沙老衲寒於廬阜雪任汝  
椰揄佛不靈有人聽始誦心  
經又聞大府新嚴禁燈綵  
闌珊醮火星



丙辰正月十七日倪雲衢上舍招同集寄園拜倪  
高士生日

野老漁夫慶太平荒園載酒壽先生故元逋寇開詩禍  
蓋代人材著畫名破產豫防推遠識買舟長住寄閒情  
如今穢盡陳張輩懸像焚香地四并

韓魏公築堂勝曰  
四并謂良辰美景

賞心樂  
事也

北郊游春雜詩

形勝 熙朝百戰收四方臺對五層樓尙言牛角山河  
事花自飄零水自流

難覓劉王舊殿基玉欄金柱昔年時黃花塘又三元里

並鄉名 一路紅棉叫畫眉

附郭人家足穀宜，伯勞飛又勸耕時。  
可能積貯無豐歉，不藉西江與島夷。

嶺南容易落紅天，苦棟花開穀雨前。  
大寶紀年人不識，村農耕得永嘉顛。

一渠春水浴鷺兒，商畧分秧兩稍遲。  
開遍刺桐愁亢旱，三元宮禱雨仙祠。

鳴軋春城畫角聲，總憑社學答昇平。  
昇平社學道光辛丑冬建 西村南岸亦村名，炊烟紫十萬人家昔被兵。

偶坐橋邊賣餅家，山花無數炫晴霞。  
依然兒女青紅鬪。

差喜千村遍稻花

魚苗水長種魚苗花塢繁華久寂寥過客偶然談古迹

狀元橋

在北門內

又探花橋

在東門外

果武陵源可避秦散衣危帽遍城闈嫣然夾水桃花放  
願作漁郎懶問津

秋蝶

一場春夢也緣慳粧點秋光淺淡間鴛并西風芳草碧  
斷碑斜日野花殷儵然去住偏彌瘦解怨飄零竟不還  
回首豔陽金粉地豆棚蔬圃特蕭閑

樂志堂詩集卷十一

樂志堂詩集卷十二

南海 譚 瑩玉生撰

思賢七詠

有序

寇氛不靖時局難言 本朝非乏名臣吾粵豈無良帥  
撫今憶昔感事懷人贊輔國之殊勲紀定邊之偉畧九  
原可作六合胥平已

通儒名相孰相先功在榆枌豈偶然閩海撤藩金鼓振  
盡臣報 國蠟書傳是真理學談經濟當極艱虞仗保  
全不比論兵徒紙上左編未著仿荆川

右李文貞光地

紅夷盤踞敢撓鋒三世梟雄也覆宗制府已來姚啟聖  
臺灣仍祀鄭芝龍澎湖險絕神機速祠廟巍然惠澤濃  
豈屑爭功王濬似施琅奏捷早侯封

右姚少保啟聖

我

朝良相謚文成勲業劉

基

王

守

孰重輕鍊淨有人

令鑄礮轟摧無地可連營楚材繼出原宸翰緬甸來  
降也至情安得英靈長不沫永爲中外作干城

右阿文成阿桂

百戰窮邊屢立功

詔加威信

主恩隆將軍來似從

天降安得

見後漢書

降原受敵同卻比令公親見虜何妨魏

絳竟利戎椎牛行炙仍畱宿笑坐皮船出洞中

右岳襄勤鍾琪

梭船益大似霆船轉戰終當滅蔡牽豈謂將星先自隕  
由來防海貴相聯鯨波奠定魂應慰獸艦巍峩志益堅  
鍊軸牙檣原不少艱難營造憶當年

右李忠毅長庚

浙閩共慶斫蛟搯餘孽潛滋覺轉多陸運無因能接濟  
水行何處不經過生降士女誰相抵死戰村原奈若何  
差喜菊溪張制府頓教沿海靖干戈

右百文敏百齡

殺賊難完兩鬢絲 詔令圖象 九重知全師閩粵多  
沿習一舸風濤聽轉移背水陣難今日問凌波軍獨此  
材宜總戎死後無良將白浪如山戰艦遲

右黃總戎標

讀史記貨殖傳書後

誰使閭閻物力殫側聞時局淚偷彈助軍有用全輸敵  
合市無因更入官兩大生財原瑣屑騷然籌餉益凋殘  
九原可作宜低首多恐淋漓下筆難

豈有頭銜署富民多田足穀本相因 朝廷上策先平  
準甌儻空囊亦搢紳何待取攜煩劍俠漫勞悲憤論錢

神可憐避債臺頻築也算龍門傳裏人

添種庭梅感賦

嗜花成癖也親栽春到枝頭脈脈催廿載頻經鋤月地

兩株原傍讀書臺開筵賞憶烹狸局

謂仁圃先生登蒲洲學博

逶迤

看思養鶴陪吾輩不如閑草木無人終日與徘徊

復觀先生兩鬢絲扶欄稠疊一枝枝鼎彝書畫琴尊稱

風雨烟霞雪月宜東閣舊游誰主客西州清淚昔年時

閑綠不爲牢愁滅根觸前塵特補詩

讀三國志

錄三十三首

陳寶誅黃門忠良何進異致興黨人獄漢亡十常侍



門戶原相託潛聽語具聞無鬚多誤死誰斬大將軍

代漢非公路當塗識偶然累朝傳國璽偏獲自孫堅

橋元

許劭

功曹類姦雄命世才獨無雜酒莫腹痛有餘

哀

縛虎由來急當時譬養鷹公臺謀不用斫几怒陳登

北海忠於漢非徒曠代才建安稱七子誰屑醉銅臺

賣履分香誠淒涼不可聞武平侯就國天命屬周文

獨誇才八斗倜儻自無倫漢代閒平例人疑賦感甄

田疇忿烏桓心仍幼安輩功成不受賞屑賣盧龍塞

孫郎年幼稚明府葛巾迎未到登壇相華歆尙有名

二喬良不惡誰屑阿瞞憐嫁得英雄壻同無四十年  
始作石頭城舟船鎧仗精紫髯豚犬異春水况當生  
遣使稱臣急江東將相良諒闇求若此何惜雀頭香  
身不離鞍馬常令髀肉消草廬人抱膝偏識臥龍超  
忠武王佐才躬耕竟何學伊呂伯仲間人疑比管樂  
曾寄富歸否相隨啟霸圖奈何方寸亂不與鳳雛俱  
寶藏孤無預干戈賦可加鑄錢平物價今古頌劉巴  
心戰煩兵戰良規最可聽帝知言過寶遺恨失街亭  
魏令辛佐治仗節到軍門巾幗空貽誚星沈五丈原  
中書惟監令機密掌中操始笑雞棲樹終令馬食槽

將畧輸忠武烏能七縱同襄平偏坐守一舉滅遼東  
顧命同司馬梟雄股掌中何妨智囊往願作富家翁  
才非太傅偶聞閭業先知不過誅曹爽嘉平魏祚移  
競好老莊書清談竟誰祖滅魏何平叔亡晉王夷甫  
當代論家慶荀陳闕閩新未如諸葛相父子漢純臣  
才非叔父敵著論亦昂藏伊霍威權重投尸石子岡  
北地真龍種傳之定保邦背城當一戰同死奈何降  
社稷危復安姜維亦解事不能法陶朱轉思作劉備  
墳墓在岷峨淒然蜀伎作業封安樂公宜言此間樂  
縱如狗腳朕同死一何愚畢竟曹髦勇曾爲刺虎圖

泰言惟進此偏宥賈公聞珍重尙書召今知舅不如  
角巾私第返建業一帆風渾濬爭無已人言太傅功  
聖慮決當勞平吳曾幾載五馬化爲龍墮淚碑猶在

六月廿二日李子黼學博邀同集柳堂拜歐陽文

忠公生日

鼎峙文壇蓋代雄韓蘇廟貌遍南中元勳魏國宜齊列

別派涪翁總下風柳葉成陰前調異

公以小詞得謗有江南柳葉小未成

陰之句

荷花生日壽筵同維揚兵燹平山圯羽葆霓衣降

粵東

西堂吟社第一集補和沈氏白燕堂粵臺古蹟八

詠同集者許涑文太史陳蘭甫沈伯眉兩學博  
金芑堂孝廉徐子遠上舍

浮邱井

授詩時代溯東周仙去僧厨一勺留茶夢醒宜人入社  
篙痕證與海同流撒金勝飲閭閻福挹袖誰偕汗漫游  
豈屑達摩泉比較名儒經術偉千秋

陸賈祠

猶先晁董擅詞章楊僕功勳漫較量游說遺風原戰國  
梟雄僭號轉降王西京著撰思行紀南粵豪華屑冷裝  
十日祠前同極飲神交千載恕疎狂

虞翻苑

地老天荒屈左徒，經神遺廟寄浮屠。  
誰明消息傳師法，幾見猜嫌證竊圖。  
原異彌衡才跌宕，迥殊王弼註疏蕪。  
千秋知己曾鹽院，煥碑版鴻文六代無。

望氣樓

靈洲樓閣小金山，嶺海英靈鎖百蠻。  
相墓精能言確鑿，游仙風度話蕭閑。  
衣冠氣蕊雲霞表，笠屐緣尋水竹間。  
我慣妙高臺畔立，隔江漁者棹歌還。  
妙高臺有東坡笠屐像

沈香浦

一瓣香仍表寸心，越裝嚴卻勵官箴。  
指天誓竟江干擲

樂府詩集卷十二  
才  
掃地焚宜嶺北尋循吏寫書同罪過洪喬札與浮沈  
如今不飲貪泉者南物無多但橐金

荔支灣

鷓鴣啼遍荔枝枝似憶劉王張讌時過客事徵南漢紀  
尙書碑攷晚唐詩濃陰撲袂舟如屋名果堆盤酒滿卮  
笑我久無興廢感年年銷夏半塘宜

素馨田

美人終古尙英靈歲歲芬菲認素馨花蕊小名難比豔  
虞兮妙舞不曾停碾同玉屑珠襦碎開遍銀絲黼帳局  
墓似朝雲輸一著閩城同詣六如亭

抗風軒

高楊王李振宗風嶺外淵源溯曲紅社事聿脩原結習  
唐音代守卽英雄一朝才子論前後萬古詞人定拙工  
屢到南園尋故址神弦非獨弔三忠

西堂吟社第二集卽事感賦得詩十二首時丙辰  
八月二十六日也

放燈聊喜似昇平枯坐秋牕百感并乞巧遺文能復對

唐孫樵有乞巧對

登高避厄本更生珠湄餘燼笙歌鬧鏡颺偏

灾斥鹵耕聞道下場人不少間關千里博科名

關閉誰能復遇仙紅梅驛守有梅銷蕃人冢畔蠻酋醉



多正生言五卷一  
七  
寨將祠前估客還此地似聞先盪寇重臣依舊屢籌邊  
塔鈴無語飄然墮消息安危問老禪

械鬪烏能又出師巖疆曾未復瘡痍儼然族類心偏異  
轉較年時禍更奇喧客由來思奪主寓公疇昔冀依誰  
天心厭亂憑人說颯閃櫓槍見稍遲

馬峽縈紆路北徂羚羊西指極潯梧七年聚落生靈盡  
十郡村場霸氣無閩巷謬傳行間架隱淪豔說住菰蘆  
療原誰使終難滅五嶺三江又兩湖

久作長圍三面開金陵形勝亦雄哉凌烟閣繪完佳傳  
偃月營摧賸劫灰仕宦怕談經世畧老成原類出羣材

飄零大樹將軍死蕭瑟寒風壯士哀

武昌居亦不堅牢行省荒涼地不毛宿望冀還蘇武節  
少年竟佩呂虔刀荆襄重鎮宜專閩江漢分流有怒濤  
差喜駱丞能草檄長沙脣齒戰功高

伯安勲閥抵千秋友諒鄱陽血戰休驚座孟公宜被劾  
研京平子本工愁觀名鎮柱多靈驗峰號香爐任去雷  
原是犬牙相錯地滔滔章貢下雄州

禍首依然又揭竿八州兼督寸心殫撒星陣覺平行穩  
上水船知決勝難照日錦帆興霸壘撐霆銅鼓伏波灘  
檣纜蓋舳軍裝備箭火罌灰膽屢寒

茅烟等雨晝冥冥  
洱海蒼山戰血腥  
六詔遺黎殊種族  
中原全局異情形  
早防猺狁兵先動  
尙喜衡湘賊未經  
一統車書封建似  
前明畱鎮沐黔甯

獻勞軍錢近若何  
彌年助國費搜羅  
捐輸只願銷兵早  
財賦都緣合市多  
火種刀耕唐土地  
憬琛寶燼漢山河  
一隅天下煩供億  
宵旰宮廷盼凱歌

遶屋梧楸葉脫初  
豆籬藤架菊花疎  
彎弓未學休談虎  
彈鍊無心定買魚  
瀨海豐穰多黍稌  
聖朝蹤跡溷樵漁  
廣甯四會連州境  
到處驚聞遞羽書

感時傷亂思茫茫  
秋色蒼然越井岡  
開濟幸逢諸葛相

康疆永祝郭汾陽田園雜興新吟社郡國叢編舊講堂  
蟋蟀聲中人易老約誰攜酒說干將

白雁三首

江涵秋影半迷離故國霜前老杜詩暗度巴陵天欲曙  
乍經汾水月偏遲書非庸手銀鈎似箏近佳人玉柱宜  
信是嶺南寒氣減稻花如雪話歸期

秋色分明遠帶來碧天如水淨無埃江湖雪月愁時聽  
關塞星霜暗裏催欲射人先同惋惜乍聞天末費疑猜  
歌翻漢代占符瑞誰詔 熙朝樂府才

遠踏平沙夜有霜數聲柔櫓月微茫人同易水衣冠素

東坡詩集卷之二  
九  
戍近秦關劍戟光從古玉顏多款塞惜君蓬鬢遠辭鄉  
陡思南宋當時事譜入風謠恨正長

亡友鄧心蓮有蘆花詩甚工今其稿不存和作四  
首

千頃延緣不值錢無香無韻裊風前一龕花水偏餘地  
菱蘆龕  
在浙中孤嶼園亭別有天漁者商歌如偶答江鄉霜鬢  
獨倚然春光未配秋光鬧同雁來紅老少年

往渚還江界曲通濛濛誰復辨西東新霜野渡蕭森早  
明月滄波點綴工偶憶伊人盡風雅易逢窮士少英雄  
江湖滿地花如雪百感中來靜掩篷

最閑花草愛叢生  
照影無心恨易平  
送客潯陽白司馬  
辭親江左庾蘭成  
絮衣游子偏傷亂  
繡被詩仙慣噉名  
賞乏草堂誰好事  
終將闕館聽秋聲

涼颺萬葉戰聲哀  
誰惜飄零白浪堆  
野鴨不飛皆畫本

本蘇詩

蟄龍如起乏箏材

見集異記

蕭閒水國年華閱  
搖落江

關別思催八百孤  
寒真衣被到秋齊  
祝此花開

### 壽葉漢陽師相五十

精神纔破貝州回  
鐘鼓清時幕府開  
威懾華戎真宰相  
材兼文武大行臺  
待頒扶老延年杖  
先捧承歡獻壽杯  
豔說丹臺剛錫福  
昇平全仗出羣才

魚水君臣諫草焚 龍顏未識僅傳聞  
百僚禮絕踰強仕 五等榮班有大勲  
朔雪炎風唐土地 伏波橫海漢將軍  
如今當問和羹事 東閣梅開到十分

古今負絕福難同 曠典尤推卻虜功  
補袞有時煩內助 著書窮日教臣忠  
集傳經濟王新建 身寄安危郭令公  
籌餉籌兵勞勩甚 早平吳楚靖寰中

紫光閣有畫圖存 一代宗臣眾所尊  
元老壯猷徵國運 延禧復古答君恩  
文章聲價新昌里 機務清閒獨樂園  
竊愧報公千古者 祝鐫名姓入彝樽

賞雨樓展上已爲家博泉作

小眠聽雨豈徒然  
新築剛逢布穀天  
便欲此閒成大隱  
相期瀕海屢豐年  
風花迢遞多佳日  
觴咏招邀半散仙  
蠻鳥干戈銷歇未  
與君謀置義莊田

容園補禊

一醉名須借重三  
節序新談兵誰杜  
牧結客有陳遵種  
菜應傷亂看花易  
餒春寂寥消息斷  
快雨幸兼旬  
歌舞荒岡賸峻嶒  
鎮海樓琴尊孤館  
對釣弋小池幽僭  
僞成花禁蕭閑作  
杞憂割江王謝輩  
觴咏日臨流  
荒蕪庾信園漁者  
武陵源被禊宜師  
古招邀畧避喧城  
闔三畝宅水竹一  
家村且莫談時局  
攜尊算杜門



樂元生言集卷十二  
二  
行樂須排日空庭又夕陽佳辰猶夙昔良會豈尋常  
郭開蓮社東臯憶草堂憐才兼弔古感遇思茫茫

秋陰四首丁巳九月作

漠漠連陰慘不開悲秋人上越王臺蕭森羚峽戈船在  
寂寞蠻江羽檄催象郡營空殘照落虎門山暝怒濤哀  
廓清推盪乾坤肅雷雨經綸曠代才

疎雨微雲耐苦吟濂泉蒲澗懶登臨風霾浩浩陰機發  
氛祲冥冥戰氣沈中酒江湖孤棹遠馳書壁壘萬山深  
人情開滌宜秋爽如夢如塵總不禁

展重陽日未新霜似雨還晴晝亦涼海外傳聞添肅殺

江南信息付微茫  
寒花黯淡停游醺  
衰草模糊認戰場  
差喜浹旬秋霧重  
腰鎌刈稻遍村莊

秋容水墨畫圖傳  
笳鼓聲沈悄備邊  
五管彌年閱兵燹  
七洲何日靖風烟  
沈寥天地心孤迴  
蒼茫關河事杳然  
轉眼扶桑銅柱矗  
卽今誰是馬文淵

蒼梧

斑竹枝枝怨不勝  
翠華巡狩竟何曾  
三閭倘謁靈妃廟  
萬世猶思舜帝陵  
隸粵何知山轉合  
浮湘端愛月初升  
九疑縹緲誰登陟  
讀罷離騷靜對燈

讀杜咏物五律和作

錄三十六首

天河

一水涼天末秋心寄宵冥光芒含萬派情緒託雙星映  
月原依舊流雲總不停聞津唯博望清淺似曾經

初月

秋思渺無極霏微萬里同關河原皎潔風露轉綿濛散  
彩畱斜漢含輝度太空清光從未減後夜一輪中

八月十五夜月

又屆中秋節清光奈汝何依然千里共孤負十年多易  
作刀環夢愁聽水調歌團圓今夜最影徹舊山河

又

對月頻搔首相看白髮生登樓無庾亮泛渚獨袁宏前  
度一輪滿中宵百感并煮螺煨芋醉聊喜似昇平

十六夜翫月

秋色平分後關山月獨看古今同節序天地漸高寒絳  
宇銀雲麗金河玉露團西師連夜發遠照伏波灘

十七夜對月

仍是前宵月江山入暮秋盈虧生殺運理亂古今愁戍  
鼓偶然寂征帆不可留乾坤何限事徒倚仲宣樓

熱

熱覺今年最炎歊日日晴天如法吏酷人病夏畦耕時

雨同懸望 王師尙遠征粵西聞亢旱轉戰未休兵

日暮

日落重門掩沿街月色寒郊垌冬守望聚落日平安遠  
火懸軍戍台星上將壇妻孥渾不寐漂泊慶團圓

村雨

烟雨歸耕願無田作寓公到秋逢夜好憂旱卜年豐杞  
菊閒情寄蕉梧切響同農家真樂事蓑笠稻畦中

雨晴

生趣滿田園驚聞鳥雀喧夕陽榕葉社秋水稻花村晴  
霽爭先覩豐穰未敢論冷裝猶待曝沿岸有軍屯

搗衣

封侯何可必窮塞耐嚴寒刀尺催仍急衣裘寄總難用  
原煩慰搗心尙託平安傳語開邊者閨中力已殫

銅瓶

轆轤聞汲水金井故宮秋缺落彌珍惜推尋各怨尤怕  
寒偏早起傷亂轉增愁手拂銅瓶冷婢娟豈自由

空囊

信手黃金盡囊空屢貸錢舉家仍賃宅微祿可歸田求  
取難如願英雄亦受憐杜門風雪甚送炭已彌年

蕃劍

遠至今藏弄如聞匣裏聲鋒鏑原不露意氣總難平  
盛世無中外頻年有戰爭樓船橫海去仗爾戮長鯨

除架

牢落多蕪穢芟除亦快哉瓜壺同飽啖竹木忍相摧花  
實秋容瘦樵蘇歲事催春初看引蔓鞏護綠陰來

廢畦

樊須曾學圃董相且窺園賸有苔花澀應無菜把存摧  
殘憐地力頒賜憶君恩

唐制立春以白玉盤盛細生菜頒賜羣臣見杜詩註

風味

田家好蔬香老瓦盆

江梅

孤客尙行役孤花先報春  
落帆風瑟瑟撼蘧水粼粼  
歲暮羈棲地天涯折贈人  
閒愁全不管相對倍傷神

庭草

閒堦隨意綠風雨夜來多  
卻掃無人久爭春奈汝何  
荒寒移講樹遲暮感牽蘿  
肯逐青紅鬧榮枯似逝波

梔子

此花原佛性從古在人間  
紅素春三月桐杉水一灣  
嶠然宜地僻端欲伴僧閒  
隔院清香甚還歸月滿山

丁香

幽人偏賞玩散誕著繁枝  
得地何嫌遠經春總不知  
半



開花的的互結子、離離性本殊、蘭麝誰令晚節移

麗春

豔絕無常態、爭妍到汝難、紅裙金谷醉、錦被繡牀看、物  
性同鴛粟、人情佞牡丹、問名知阿麗

本張先詩

珍重怯春寒

蒹葭

豔說伊人在、叢花水一方、汀洲總蕭瑟、亭館亦蒼涼、孤  
嶼秋如雨、寒塘夜有霜、釣船商畧辦、投老住江鄉

苦竹

豈必微之愛、依然不可無、護持經歲序、搖落稱江湖也  
並松陰古難期、筍味腴、歲寒霜雪甚、低亞儘相扶

歸燕

慣送人歸去何堪到汝曹  
春秋恒序改霜雪敢飛高二  
月循環易彌年往返勞  
雕梁多易主故壘尙堅牢

孤雁

接翼偏相失征人不忍看  
關雲孤影過湘月一聲寒  
飄泊憐予季羈棲念阿干  
團圞重見汝陡憶客途單

鸚鵡

語言人易厭莫恃太聰明  
懷舊偏多故傷離亦至情  
薄寒先憶汝欲默殆緣卿  
般若經長念逃禪了此生

鷗

天地原空闊烟波任汝飛閑緣萍梗泛生計稻梁肥風  
雨毛衣溼江湖伴侶稀偶來垂釣者相對兩忘機

鷓鴣

夙愛毛衣麗文章入畫圖閑綠耽水石幽興屬江湖定  
許開籠放能無舉網虞主人恩意重奈汝性情殊

花鳴

可有飛鳴志曾非燕雀倫行藏時避地叅養且依人好  
潔仍妨滓呼名獨任真園池棲託慣慎勿惱比鄰

雞

家雞原不賤野鴛較何如善鬥勞傳檄長鳴喚讀書雄

心應耗盡塵夢未醒初一例供烹飪飛騰事總虛

猿

倘是飛仙侶情多世莫知  
笛材誰借汝劍術偶傳伊  
野館偕吟獻征途感別離  
巖栖同老壽文致北山移

麋

竟同新鬼罵

見南雷詩應

宜與禍相等佳味人知少  
危機客

感深珍饈窮水陸本性住  
山林微物捐軀命流哀遞古  
今

黃魚

美可鱗魚並盤飧閱歲華  
秋風憶莼菜春水看桃花  
頓

頓食誰厭年年約總差如何能作鱸金竹訪漁家

黃魚  
鱸罷

又鱸魚昔人諺嶺南  
風物句也金竹鄉名

白小

飽餐兼竈婢俯拾任村童大抵銀刀類居然白飯同上  
隨瓜蔓水來趁棟花風畱取爲魚種

上

烹鮮僅粵中

銀刀

白飯並  
小魚名

促織

渺小何哀怨牆陰竟夜聲音弦無此曲孤孽倘前生有  
恨應難訴中心總不平年來恆爲汝支枕到天明

螢火

照字知難甚，經秋不自聊。試風仍颭閃，逢雨太飄蕭。誰憶游山放，何須捧海澆。夜闌霜露重，光焰已全銷。

春日過何氏村居，悅其風物之美，將移寓焉，賦贈春風著意到田家，步履村前玩物華。挑菜時光兼兕筍，分秧歸去共看花落紅門巷。馴飛鴿淨綠陂塘，卜吠蛙城市新年唯一到，相逢曾與話桑麻。

村村各各稻粱謀，課雨量晴不自由。黃簇菜花誰撲蝶，綠圍桑葉遠聞鳩。梳同元亮非高隱，瓜比青門異故侯。止願一年生計裕，能兼耕讀復何求。

笑蹋牛犁鎮日忙，木棉開徧好春光。一叢苦棟環榕屋，

幾稜新苗護草堂劇月宜先妨穀賊半生曾未識花王  
催糧太早真無謂聞說官員已下鄉

桃花開亦武陵源慘綠垂楊磳碌村破曉卽看蠶笠聚  
老晴誰聽桔槔喧蠶桑活計神司戶鰕菜生涯客款門  
我自無田偏豔說耦耕時候詣田園

野人心跡愛村居尤覺春時趣有餘久分癡聾須社酒  
自占豐歉藉農書眾香圍屋多收蜜寸碧環溪復種魚  
世味年來都領畧六街花事較何如

六街花事  
馮勛撰

布穀聲聲苦勸人不如歸去復千巡江鄉魚稻難兼足  
野館鶯花豈稱貧韶景也同金谷醉隱誰羨錦堂春

笠簷蓑袂商量辦坎止流行話卜鄰

原隰龍鱗帶夕陽  
昨宵同聽雨淋浪  
紅蜻蜓旋秧初綠  
錦鷓鴣啼麥早黃  
竹嶺椒園摩詰壑  
藥畦花塢半千莊  
春光如許繁華極  
願作田間夢一場

一犁五秉

楊誠齋詩一犁闢五秉

上農夫同事西疇興不孤漠漠

柳塘瀟瀟下時時  
花嶼鶴鴿呼河山  
如故新亭感耕織  
奚煩孟頫圖細雨  
荷鋤商位置

漁洋嘗以杜詩細雨荷鋤立二語作圖

熙時誰忍在菰蘆

課耕佳節不會停  
花外流鶯亦懶聽  
人稱韶年新巷陌  
風存太古舊門庭  
石湖居士村田序  
甫里先生耒耜經



老死未知離別苦清明插柳話長亭

耕田識字夙知交氛祲冥冥賦樂郊天下英雄猶種菜  
人生衣食詎懸匏敢同楊惲狂歌歛定仁侯芭載酒看  
便欲攜家村落住依人如燕算誅茅

村居寄何藻堂星浦兄弟

避地羈棲力已殫歸耕徒向畫中看

王石谷有煙雨歸耕圖卷

村春

鄰火星霜換殺賤年豐夢寐安稼穡共談期季偉酒肴  
相勞媿王丹月泉社作從頭和擬學清翁卻萬難

插秧天又打禾天漂寄奚從受一廛隱異鹿門乖本願  
買如陽羨冀他年較耕錄仿南村撰貸粟書同魯國傳

容色蹉跎猿鶴笑，寓公心醉十雙田。

掩書一首

槲葉蕭蕭下江湖，秋又深住山因本色聽。雨洗前心寒  
碓鄰村急疎鐘，遠寺沈移時掩書坐恍閱去來今。

不寐

寒夜初長百不宜，承塵飢鼠竊相欺。病源倘爲耽詩累，  
老境非緣戒酒遲。憊甚心魂孤枕忘，蕭然情味一鐙知。  
從頭細數年時事，不覺匡牀落月移。

返里作

不覺離家閱半年，燕辭巢去雁來先。松楸仍舊環邱壟，

蔬飯頻催供几筵遍訪舊游知漸返偶談時局總潛然  
飛還我恐如丁鶴城郭人民幸保全

無端烽燧遍城鄉風雨關河夢戰場失馬塞翁占禍福  
販牛市僧定行藏交深誰比蘇司業癡絕仍師顧長康  
騶卒未妨相對飲酒闌偏又說干將

求田問舍本英雄環堵蕭然半畝宮吾輩書生能殺賊  
年來才子例從戎懷人倘憶千秋鑑謂程月川師識字何如

兩石弓班史質錢原未忍度藏畱取課兒童

程春海侍郎蒲澗賞秋圖作於壬辰九月同集者

十一人今惟余在耳梁馨士儀部購得囑補題

時戊午重陽日也

十一人陳範川李縉子兩山長吳石華曾勉士兩廣文儀

墨農侯君諱孟蒲生三孝廉居少  
耕段紉秋兩茂才暨侍郎與余也

昔年同醉鶴舒臺萬里秋光畫卷開  
南海遺珠勞拂拭西園圖象忝追陪  
山頽木壞人何在玉折蘭摧事可哀  
邸第詩龕闡圯盡獨畱縑素不成灰

菖蒲舊宅也無存無處登臨且閉門  
夔絕古今推此會

重刊著撰試同論

數年來嘗重校刊侍郎遺集及國策地名攷兩書

似聞傷亂

劉琨語誰罪談兵杜牧言嘆逝憐才兼感遇  
心魂難定

賦招魂

儀徵一代魯靈光經術文章足雁行  
如此丰神誰復似

本來形迹貴相忘，佗城兵燹虛懸榜。蠻海風煙有瓣香。

龍樹檢書圖借取，豔傳佳話卷同裝。

龍樹寺檢書圖何子貞編脩作紀阮

文達師檢侍郎遺著事也

昔慙毳毳懶成詩，李邵劉蕢賸者誰。

侍郎王辰所錄士梁玉臣舍人黃蓉

石比部溫伊初孝廉皆余素交今亦下世

策扣西州稠疊恨，尊開北海泐寥

時。斯文道喪乾坤寂，翰墨緣深嶺嶠知。老矣索居思舊

切補題珍重捲還遲。

沈伯眉廣文以詩索贈水仙花走筆爲報

刻意嬉春作答遲，索遺書雜索花詩。悠悠兵馬春如夢

一片冰心獨汝宜。

絺衣涼月正思君，世事同花總厭聞。  
坐對含情擁瑤瑟，歲寒風雨感斯文。  
我正含情擁瑤瑟，曲終人遠喚難應。  
亡友徐夢秋西園社集水仙花擅場  
作也。廣文才不亞於夢秋故及之。

寄周秩卿明府

廢蓼莪詩比顧歡，壯心仍擬斬樓蘭。  
以官貧亦惟君獨有，母喪仍返里難平。  
野鶯花春寂寂，粵臺氛祲晝漫漫。  
相期宦達時相憶，畱滯三年換素冠。

許小琴通守以畫卷屬題各繫以詩

賓從元承自溪山，賀季真謙游千古。  
事風範六朝人錦里，多耆舊圭塘半隱淪。  
門基知獨荷珍重，畫圖新

尋恒真率會，悵別離筵。才富許丁卯，靈鍾員半千。西園觴詠慣，北郭姓名傳。縑素知雙絕，風流繼昔年。

右重摹鏡湖雅集圖

亭傍紅羅夢，昔時暗香疎。影玉交枝手，提金縷鞵親。見倘厭峻嶮，未作詞。

梅梁或與證，前因玉砌雕。闌未算春

用李後主詞

六一先生

仍後輩，平山堂合祀花神。

千卿何事生，綃寫病李花。開折取還

用馮海粟詩語

梅根作冶

成枯樹賦，憶南陵庾子山。

右平山南唐古梅

永嘉甄研前年贈

乙卯六月

研墨題詩詠晉松南雪張瓊存

手澤議郎移種覓無從

光孝菩提大通檜南方草木較誰先孫盧事去虬枝在  
慣慙滄桑不計年

物猶如此况於人宣武金城迹又陳竟不飄零馮異老  
將軍大樹各千春

右沙灣東晉古松

桂陽一首

樓船楊僕待偏師兩伏波營有去思嶺海三關連楚粵  
東南一尉長蠻夷將軍始至先遺廟太守何名迭訪碑



原是大牙相錯地，曲紅縣在到今疑。

六十初度四首

堂堂歲月慣相催，初度今朝懶舉杯。  
檣櫓年華誰屑道，萍蓬蹤跡轉堪哀。  
打鐘掃地枯禪悟，識字耕田不世才。  
鼓擊回帆容易學，小金焦覓釣魚臺。

久判身世繫匏瓜，雞犬圖書屢挈家。  
少壯光陰仍逝水，神仙眷屬總搏沙。  
偶居法護曾移竹，前度劉郎且看花。  
轉憶村場多樂事，斜陽樽酒話桑麻。

簾旌半故獨愁予，繡佛長齋舊索居。  
豈必能言如月好，卻驚殘病逼春初。

余以己酉二月悼亡

聯牀風雨如兄弟，孤棹弓

刀返里閭

謂辛丑二月避虜事

半臂寒添勞囑咐藥煙名閣總憐

渠

見二樵詞集

事到傷心不可言卅年去住各銷魂論交四海黃金盡

訪舊三城白髮存尙擬入山隨李廣何當落水怨章惇

宦游又觸天涯感

擬作高涼之行

無地誅茅學灌園

樂志堂詩集卷十二